

明代傳記叢刊・名人類⑦
周駿富輯

國朝列卿紀
(八)

(明)雷禮纂輯

明文書局印行

國朝列卿紀卷之一百八

巡撫廣東侍郎都御史等官年表

郭瑄

四川崇寧人永樂十九年以大理寺右寺丞巡視

楊信民

浙江潁昌人永樂庚子舉人正統十四年以右僉都御史巡撫景泰元年卒於官諡恭惠

孟鑑

直隸博野人正統十四年以兵部左侍郎贊理軍務討廣寇黃肖養景泰元年改巡撫二年改撫南畿

揭稽

江西廣昌人永樂辛丑進士景泰二年以兵部左侍郎巡撫三年致仕

陳濂

浙江鄞縣人正統乙丑進士成化四年以右副都御史專巡撫廣東尋省革

李佑

貴州清平人嘉靖丁未進士四十五年以右僉都御史巡撫隆慶二年聽勘

熊桴

湖廣武昌人嘉靖庚戌進士隆慶二年以右僉都御史任三年卒於官

熊汝達

江西進賢人嘉靖甲辰進士隆慶三年以右副都御史任四年改撫浙江

吳時來

浙江仙居人嘉靖癸丑進士隆慶四年以右僉都御史任尋裁革

巡撫廣東行實

郭瑄字

四川成都府崇寧縣人永樂元年由國子生擢兵

科給事中十年陞大理寺右寺丞十九年定鼎北京 詔安撫

天下命瑄出撫廣東考察官吏輯寧軍民本年以事竣還寺詳大理寺

楊信民名誠以字行浙江紹興府新昌縣人永樂庚子領鄉舉宣德庚戌擢工科給事中小心廉謹出使江西整點軍伍民情宿弊上疏 奏之皆當時急務改刑科有直言之節正統癸亥陞廣東左叅議受密 旨許言事招捕雷化高廉等州盜賊諸叛皆平蠻獠向化時按察使郭智所行多不法信民劾罷之黃

翰來受代而所爲益甚又劾之連僉事韋廣黃亦誣詆信民俱
逮下獄啓行時廣人爭携金帛就舟相贖俱不受而黃之舟則
擲以瓦石詈罵者相屬旣至法司鞫得實黃坐除名廣之軍民
耆老致仕官員及山猺洞人鹽場竈戶共一萬餘人連名具狀
相率赴三司保留乞備其事上聞亦有跋涉萬里直詣 闕廷
稱冤者動以千計歲已巳 車駕北狩胡虜猖獗 朝廷用言
者起信民守白羊口是歲廣東都司囚黃蕭養越獄遂至嘯聚
守土者閉門自守召邊將禦之多爲所敗城中軍民朝不謀夕
鄉民避亂趨城至則閉門不納及歸盡爲賊所戕脇從者日益
衆賊爲輶輜車來攻城聲言楊大人家眷勿憂城破當護送還

鄉廣人寓京者聯名上章乞信民遂授左僉都御史勅往撫之至則廣城被困者數月矣卽開四門發倉廩賑饑下令有司給民木牌縱其出入賊見帶牌者皆曰楊大人所給俱不殺民皆喜悅相慶又出榜招撫之歸附者日以千計乃差桃山驛丞某及餘丁何普受等齎榜文入賊營招撫諭以恩信蕭養大喜簪花設宴約日至城投降信民冠帶單騎而出隨從者數人賊衆數十萬皆倒旗羅拜肖養跪訴泣下乞示以更生之路信民坐自如諭以禍福卽日投降者數千人餘皆謹譟而去越五日又至信民復往見賊以大魚獻信民受之不疑投降者又數千人未幾董都督統大軍至賊遂中變景泰元年二月五日有大

星殞於城外對岸之河南十二日質明都指揮使姚麟來白事
尚與啜茶談議忽疾作扶入臥內卽仆矣城中軍民聞信民卒
信疑相半旣得實爭走哭館下雖老嫗稚子亦至失聲滿城縞
素具牌位哭奠者相屬陷在賊中者聞之亦曰楊大人死吾屬
無生意矣黃蕭養亦爲文具祭計聞天子悼甚遣官諭祭信
民卒後僅閱月大軍卽平賊凡賊所經處盡屠之民仰天號曰
使楊公在吾人豈受此禍哉廣人追送柩還哭奠者阻塞道路
如喪考妣旣而耆老黎善聚等赴京奏請立廟於廣州額曰
惠濟春秋致祭水旱疾疫必禱焉民有事不得其平者輒具詞
焚告不直者輒恐懼服罪至今爲然成化己丑賜謚爲恭惠

孟鑑字克明直隸保定府博野縣人宣德癸丑進士擢吏科給事中歷吏科都給事中正統十四年南海賊黃蕭養初爲盜下獄越獄聚衆爲寇都指揮使王清出討之爲所殺遂偕稱東陽王據五羊驛爲行宮事聞陞爲戶部左侍郎同都督同知董興討之復以右僉都楊信民舊爲廣東叅議有惠政特命巡撫廣東信民將至民爭歸之賊衆日散信民旣卒鑑等益加招徠至是蕭養中流矢被擒斬之餘寇悉平遂以鑑巡撫景泰二年回部天順元年致仕後起南京工部左侍郎詳南京工部

揭稽字孟哲江西建昌府廣昌縣人永樂庚子鄉舉辛丑進士擢監察御史介然有守宣德十年陞任廬州府知府興利除害

有善政正統九年陞廣西左布政以廉恕聞景泰二年陞兵部左侍郎巡撫廣東海南天妃廟靈應使者過必祭焉稽當考察時渡此惟投一詩云秉心玉潔與冰清黜陟廉貪佐 聖明若載苞苴并土物任教沉在此滄溟其清操可知三年以蠻賊不能平寫勅切責尋令致仕

陳濂字德清浙江寧波府鄞縣人正統乙丑進士授刑部主事累官廣東右布政使成化四年陞都察院右副都御史巡撫廣東地方廣人欣戴頌聲大作時薦歲兵興供應勞甚濂懇懇矜惻惟恐傷之自景泰以來兩廣總設督撫及都御史韓雍平廣寇奏兩廣地方請大臣分理故有是命五年起雍總督改濂督

漕餘詳漕運總督

國月り卯巳

天二二五八

五

長身ノリキ

ラニニノ

五

三六

國朝列卿紀卷之一百九

巡撫廣西侍郎都御史等官年表

雷填

福建建安人革除庚辰進士擢工科給事中永樂二年巡撫三年卒於官

朱侃

浙江海鹽人永樂癸未舉人十九年以通政司左通政巡撫宣德元年卒於官

李棠

浙江縉雲人宣德庚戌進士正統十四年以刑部右侍郎巡撫兼督軍務景泰三年致仕

張鵬

詳兵部尚書直隸涑水人成化四年以左僉都御史巡撫尋省革

殷正茂

直隸歙縣人隆慶三年專設以右僉都御史任以功加兵部右侍郎陞總督閩廣

郭應聘

福建莆田人嘉靖庚戌進士隆慶五年以右副都御史任

吳文華

福建連江人嘉靖丙辰進士萬曆三年由應天府尹陞右副都任六年陞戶部右侍郎

吳文華

見前萬曆十一年起兵部右侍郎兼僉都再任五月改刑部右侍郎

劉良弼

江西南昌人嘉靖乙丑進士萬曆十一年由光祿寺卿陞右僉都任十一月卒

吳善

福建龍溪人嘉靖壬戌進士萬曆十一年十一月由應天府尹陞右副都任十五年陞南京工部右侍郎

劉繼文

直隸靈壁人嘉靖壬戌進士萬曆十五年二月由四川左布政陞右副都任

陶大順

浙江會稽人嘉靖乙丑進士萬曆十六年由福建左布政陞右副都任十七年致仕

蔡汝賢

直隸華亭人隆慶戊辰進士萬曆十七年由廣東左布政陞右副都任

陳葉

湖廣應城人隆慶戊辰進士萬曆十七年由陝西右布政陞右僉都任

巡撫廣西行實

雷填字

福建建寧府建安縣人革除庚辰進士擢工科給

事中永樂二年命鎮守蘇松等府以才幹稱本年復命巡撫廣西地方安插夷民三年卒於官

朱侃字

浙江嘉興府海鹽縣人永樂癸未鄉舉入太學擢

監察御史遇事謇謇不阿文廟重之十一年擢通政司右叅議十九年陞左通政時定鼎北京詔安撫天下命撫巡廣西地方考察官吏安輯軍民本年事竣回京又命督漕運以稱職稱宣德元年卒於官詳通政司

李棠字宗楷浙江處州府縉雲縣人宣德丙午魁浙江鄉試庚

戊中禮部會試 廷試賜同進士出身遭父喪水漿不入口者
三日服闋而哀不衰正統丙辰拜刑部河南司主事蒞官行已
一以古人爲師治獄法歐陽公求其生而不得然後論如法與
人交際不過嚴以取怨不苟同以求媚一時同官咸以先生長
者之禮事之己未 廷臣建存省京儲之議 詔六卿減部屬
視優劣而進退之尚書施禮不欲召怨於人以入官先後爲去
留棠遂需次南還抵金華行橐枵然從者以匱乏告棠曰家近
矣何過慮哉旣歸日侍母於別業承顏順色熙熙然惟恐少拂
其意別業中重構小軒前後層堦皆種菊扁眉曰菊莊時與門
人子弟嘯咏其中悠然有陶靖節東籬之趣越三年壬戌秋官